

FUTBOLA

Galiziarren aurkako lehen 'round-a'

Javi Gracia eta Luis Perez ariko dira gaur hiruko lerroan, Celtaren aurka Balaidosen

CELTA	REALA
Aimar	Salva Iriarte
13 Prats	1 Alberto
3 Mariano	2 Fuentes
21 Tarrega	5 Loren
2 Alejo	6 Pikabea
17 Berges	3 Aranzabal
11 Gil	14 Yaw
5 Desio	7 Imaz
19 Bajcetic	16 Luis Perez
22 Geli	20 Gracia
18 Sanchez	11 De Pedro
9 Milojevic	9 Pürk

Arbitroa: Mejuto Gonzalez
Zelaia: Balaidos
Ordua: 17.00

R. OLASAGASTI / DONOSTIA

Partidu gaiztoak, gaiztorik bada, izaten dira Celtaren aurkakoak. Balaidosen, gainera, oso zaila da galiziarren atea zulatzea, baina horretan saiatu beharko du gaur Realak, denboraldi hasiera kaskarra zuzenduko badu. Iriartek Luis Perez zelairatuko du Karpin lesionatuaren ordeiz eta Javi Gracia Idiakezen lekuan.

Ohitura zaharrak ez omen dira galdu behar, hala esan ohi da, baina ohitura zaharrak ez dira halabeharrez beti onak. Konparazio batera, badirudi Realak denboraldi hasieran abantaila eman nahi izaten diela beste taldeei; hori hartu du usadio, eta tontoenak ere badaki lehenbait lehen baztertu beharreko ohitura dela hori. Gogoan dugu, esate batera, aurreko denboraldia garaipenarekin hasi zuela talde txuri-urdinak eta, ondo hasten dena..., baina bai zera! kaskarra izan zen gero Realaren ibilbidea. Hasierako 11 partiduetatik bi baino ez zituzten irabazi —Toshaek zen orduan entrenatzaile— hiru berdindu eta sei galdu. Aurretik, lau partidutatik bakarira irabazi dute Iriarteren mutilek baina ibilbidea zuzentzeko garaiz daude oraindik eta horretarako lehen pausua gaur Celtari irabaztea izango da. Derrigor.

Horretarako hamaikakoan al daketa batzuk egingo ditu Salva Iriartek. Batzuk halabeharrez —Valeri Karpinen lesioa dela medio— eta beste batzuk taktikoki hobe izango delakoan: Karpinek utzi lekua Luis Perez hernaniarrak beteko du eta Javi Graciak, berriz, Iñigo Idiakezek utzitakoa. Gainerakoan, ohiko jokalaria zelairatuko ditu entrenatzaile beasaindarrak: Alberto atean; Fuentes, Loren, Pikabea eta Aranzabal defentsan; Yaw eta Imaz euskarri lanetan; Luis Perez, Gracia eta De Pedro zelai erdian eta, bukatzeko, Pürk aurrean. Aladaketa bakarrak,



Javi Graciak Iñigo Idiakezen lekua hartuko du zelaiaren erdian.

ANDER GILLENEA

beraz, zelai erdiko hiruko lerroan etorri dira.

Javi Graciak, beraz, Liga hasi denetik gaur izango du lehen aukera hasieratik jokatzeko baina nafarrak ez du uste aukera horri taldearen martxa txarrak eragin duenik; «ezta gutxiago ere, askoz nahiago nuen Espanyolen kontra goleadaz irabazi eta Karpin lesionatu ez balitz. Dena den, badut konfiantza nire buruarekin eta, igande honetan ez bada hurrengoan, banekien parada izango nuela jokatzeko». Erdi puntako postua ez du arrotza, Lleidan ere leku horretan jokatzen baitzuen. «Atsegin dut postu hori, areara iritsi eta tartean-tartean golen bat sartzea».

Luis Perez eta Graciarekin ez da asko aldatuko Iriarteren sistema. Hernaniarrak edozein hegala zulatzeko adina gaitasun badu, eta Graciak ere orain arte jokatutako minutu apurretan maila badiela erakutsi du.

Karpin asteazkenerako?

R. O. / DONOSTIA

■ Valeri Karpinek sekulako gogoia du taldera bueltatzeko. «Egunetik egunera hobeto nago eta asteazkenean jokatzeko gustatuko litzaidake». Hala adierazi du astean zehar. Bera prest dago, baina badaki azken erabakia entrenatzailearena eta sendagilearena direla. Errusiarrak ez du zailtzarik: «Maskaratxoarekin jokatzeko prest nago. Arrisku bakarria sudurrean kolpe zuzena jasotzea da, baina zaila da hori gertatzea. Beno, saioi aldetik ere ez dakit nola erantzun dudana, astebate geldia egon eta astelehenera arte ez bainaz entrenatuko. Dena den 60 edo 70 minutu jo-

katzeko gai izango ahal naiz!»

Nola ez, Iriarte ere poztu egingo da Karpin jokatzeko moduan bada, eta taldeak ere eskertu egingo du. Coruñaiko Deportivoen kontrako partiduan jokari denak prest edukitzea garrantzitsua izango da, oraindik eta gehiago, Karpin bezala, hamaikako titularrean ohikoak diren jokalaria badiara.

Karpinekin jarraituz, jokalaria errusiarrak 1.000 milioiko klausula sinatu du asteen berritu duen kontratuan. «Egunotan erite-txean jaso ditudan laguntasun guztiak ikusita, badakit erabaki egokia hartu dudala, oso gustura nago hemen eta hemen bukatu nahi dut nire futbolari karrera».

Celta, amesgaiztoa ahaztu eta Liga txukuna egin nahi duen taldea

R. O. / DONOSTIA

Denboraldi aurreko protagonista nagusia izan zen Celta Sevillearekin batera. Oraindik gogoratuko dituzue Bigarren Mailara jaitsi behar eta sortu ziren zalaparta guztiak. Azkenean, batzuen eta besteen borondate onari esker Lehen Mailan jarraitzen dute galiziarrek. Hala ere, kirolari baino gehiago taldeak barruan bizi duen krisiari erreparatzen diote mandamasek, eta zaleak ere ez daude, antza, oso gustura taldearen ibilbidearekin.

Kontuak kontu, eta guk kirolari helduko diogu, hamaikako titularrean zenbait aldaketa egin beharko ditu Carlos Aimar argentinarrek. Pxti Salinas bilbotarrak ezin izango du gaur jokatu, partidu bateko zigorra bete behar duelako Albaceteren kontra egotzia izan eta gero. Bere lekua, ziurren, Tarregak beteko du. Bestelakoan, eskuarki zelairatu ohi duen hamaikakoa aterako du gaur ere Aimarrek: Prats atean, Mariano, Tarrega, Alejo eta Berges defentsan; Desio, Bajcetic, Geli eta Sanchez zelai erdian eta Milojevic aurrean.

Ametsgaiztotik esnatu ostean, Celtako jokalarien animoak ez ziren, beharbada, denboraldi bikaina egiteko moduan egongo eta orain arteko lau jardunaldietan horixe geratu da begibistan. Galiziarrek normalki egoten diren postu inguruan dabilta —15. lekuan daude uneotan taulan— eta joko aldetik ere ez dute beste munduko ezer erakutsi. Orain arte garaipen bakarria lortu dute, Salamanca aurka kanpoan. Lau garren puntua, berriz, Tenerife aurka lortu zuten etxean berdindu ondoren. Beste bi partiduetan porrota jaso dute.

Hala eta guztiz ere, Realaren aurretik daude taulan galiziarrek, eta gaur aldeari eusten saiatuko dira. Carlos Aimarrek ere Realaren kontrako partidua oso garrantzitsua izango dela esan du, eta Karpinek ez jokatzeari ere inportantea iritzi dio. Indarreko partidua izango da inolako dudarik gabe, gol gutxiakoa ere bai ziurren, baina bi taldeak gogor borrokatuko dira garaipenaren bila.